

Tawakkul (Allah Par Bharosa) Aur Allah Ke Khauf Se Rona



Maulana Muhammad Imran Kasmi Bijnavi.

Ek Hazar Muntakhab Hadeese Mishkat Sharif Hindi se lipyantaran kiya gaya he.

‘Note:- Hadees ki Rivayat ka khulase he.’

Bismillahirrahmanirrahim

Tawakkul (Allah Par Bharosa) Aur Sabar Ki Fazilat

*Tirmezi, Ibne Maja, Hazrat Umar bin Khattab Rd:> Rasulallah ﷺ ne farmaya Agar tum Allah Taala par sahi tavakkul karo to Allah Taala tumhe rizak dega jaisa ki vo parindo ko rizak deta he, ki ve subah savere bhukhe jaate he aur shaam ko pet bharkar lautte he.

*Tirmezi, Hazrat Abdullah bin Abbas Rd:> Me Rasulallah ﷺ ke pichhe savar tha, Aap ne farmaya Ae ladke Allah Taala ke

ahkamat ki hifazat karo, Allah Taala tumhari hifazat karega. Allah Taala ke hukuk ki hifazat karo to Allah Taala ko apne saamne pavoge, aur jab tum sawal ka irada karo to Allah Taala se sawal karo, aur tumhe madad talab karni ho to Allah Taala se madad talab karo, aur yakin karo ki tamam makhluk agar tumhe kuchh fayda pahunchane ke liye jama ho jaye to tumhe sirf usi kadar fayda pahuncha sakti he jis kadar Allah Taala ne tumhare mukaddar me likh diya he, aur agar tamam makhluk tumhe kuchh takleef dene ke liye jama ho jaye to tumhe sirf usi kadar takleef de he jis kadar Allah Taala ne tumhare bare me likh di he, kalam utha diye gaye he (ahkamat likh diye jaane se ruk gaye he) aur sahifo (kitabo) ki siyahi khushk ho chuki he.

Allah Ke Khauf Se Rona Aur Uske Azaab Se Darna

*Tirmezi, Hazrat Ubai Bin Kaab Rd:> Jab raat ka do teehe hissa guzar jaata to

Rasulullah ﷺ tahajjud ki namaz ke liye khade hote aur do martaba farmate aye logo Allah Taala ko yaad karo, fir farmate yakinan zalzala aane vala he yani pehla sur funka jaane vala he jiske saath hi sab mar jayenge, uske baad dusra sur bhi aa- raha he yani pehle sur ke baad dusra sur bhi bas funka jane vala he jiski aavaz par sab dobara zinda ho jayenge aur apni-apni kabro se uthkar maidane hashar me jama ho jayenge. Fir Aap ﷺ ne do martaba farmaya ki maut apne se judi tamam sakhtiyo ke saath aa-rahi he.

*Tirmezi, Hazrat Abdullah Bin Abbas Rd:> Hazrat Abu Bakar Rd ne puchha ae Allah ke Rasul! Aap to budhe ho chuke he? Aap ﷺ ne farmaya Mujhe sure Hud, sure Al-Vakia, sure Al-Mursalat, sure An-Naba aur sure Attakvir ne budha kar diya he.

Matlab in surto me qayamat ke haulnak halat ka tazkira he. Adhik malumat ke liye padhye in surto ke tarjuma aur tafsir.